

Siunnersuummut oqaaseqaatit

Nalinginnaasumik oqaaseqaatit

1. Aallaqqaasiut:

Siunnersuummut tunngaviusumik tunuliaqutaavoq kalaallit aalisariutaannit isaterinissamut atatillugu tapiissuteqartarnermi piumasaqaatit sakkukillisinneqarnissaat. Naalakkersuisoqarfiup misilittagaraa aalisartut arlallit angallatiminnik isatererusunneq ajortut aalisarnissamut akuersissutiminnik annaasaqartaramik. Taamaattumik tamatumuuna malittarisassat allannguutissaattut siunnersuummik saqqummiussisoqassaaq, taamaalilluni akuersissutit pigiinnarnissaannut periarfissiisoqarluni.

2. Siunnersuummi pingaarnertut sammineqartut:

Matumani siunnersuut 2014-imi ukiakkut ataatsimiinnermut atatillugu saqqummiunneqarpoq, qinersisitsisoqarneratali kingunerisaanik, ataatsimiinneq taamaatinneqarpoq. Siunnersuut maannakkut 2015-imi ukiakkut ataatsimiinnermut atatillugu saqqummiunneqartoq, annertunerpaatigut 2014-imi ukiakkut ataatsimiinnermi saqqummiunneqartup assigaa. Naalakkersuisulli nutaat kissaatigisima-vaat siunnersuummut sanilliullugu ilanngussisoqassasoq. Taamaattumik § 1, nr. 2, § 14, imm. 2-mi, nutaamik nr. 5 ilanngunneqarsimavoq, kiisalu § 1, nr. 4-imi, § 16-imi, nutaamik imm. 4 ilanngunneqarsimalluni. Allannguutit tamakku tunngavigalugit siunnersuut 2015-imi upernaakkut ataatsimiinnermi saqqummiunneqanngilaq, nutartikkamilli tusarniutigineqarluni.

Inatsit atuuttoq naapertorlugu pingaarnerusumik tunngaviusoq tassaavoq angallammit piginnittoq isaterinissamut tapiissutisigaangat aalisarsinnaanissamut akuersissutip atorunnaartarnera. Tamatumunnga tunuliaqutaavoq, inatsisip suliarineqarnerani siusissukkat kissaatigineqarmat isaterinissamut tapiissutit aalisarnikkut aaqqissuussivigineqarnermik kinguneqartinneqarsinnaassasut.

Taamaakkaluortoq naalakkersuinikkut kissaatigineqarsimavoq pisuni ataasiakkaani aalisartut aalisarsinnaanermut akuersissutitik pigiinnartarsinnaassagaat. Taamaattumik tamanna pissutigalugu 2012-imi upernaakkut inatsisartut katersuunneranni siunnersuutigineqarpoq aalisartut kattullutik nutaamik angallatitaarniaraangamik aalisarsinnaanissamut akuersissutiminnik piginniinnartarsinnaassasut. Siunnersuut saqqummiunneqarpoq tamatumani naalakkersuinikkut mianerisassat isumagineqassammata peqatigitillugulu aalisariutit amerlassusiisigut aaqqissuusseqqinnermi naleqqussaa-soqarsinnaaniassammat.

Naalakkersuisoqarfiup maannamut misilittagai malillugit aningaasanut inatsimmi aningaasaliissutigineqartunut sanilliullugu suli ikittuinnaat isaterisitsisarput. Siunnersuutigineqartup malitsigisaanik, isaterisoqareeraangat qinnuteqartut aalisarnissamut akuersissutertik tigungmiinnarsinnaalissagaat. Taamaaliortoqarpoq amerlanerusut isaterisitsisalernissaannik tamatuma kinguneqarnissaa naatsorsuutigalugu. Tamatuma saniatigut annikinnerusunik naleqqussaa-soqarlunilu erseqqissaasiortoqar-

poq. Naleqqussaanerit taakkua takussutissiami ataani takuneqarsinnaapput, immikkullu nassuiaasiami itisilerneqarlutik.

Inatsisissatut siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Inatsisissatut siunnersuut</i>
	§ 1
	Aalisarnermut aningaasaliissutinut immikkoortitat pillugit Inatsisartut inatsisaanni nr. 15, 20. november 2006-imeersumi Inatsisartut inatsisaatigut nr. 13, 2. december 2009-meersukkut allangortinneqarneranik Inatsisartut inatsisaat nr. 22, 22. november 2011-imeersoq kingusinnerusukkullu Inatsisartut inatsisaatigut nr. 8, 3. december 2012-imeersukkut makkua allangguuteqartinneqarput:
<p>§ 1. Inatsisartut inatsisaanni siunertaavoq aalisarnermik inuussutissarsiutip siuarsaaviginissaanut tapiissuteqartarnissaq, tassunga ilanngullugu ingerlatserusuttunut nutaanut piuminarnerusumik periarfissiisoqarnissaa. Inatsimmi aammat-taaq siunertaavoq, aalisariutinik isaterinissamut tapiissuteqartalernikkut aalisarnissamut akuersissutit atorunnaarsinnagit sinerissap qanittuani aalisarnerup naleqqussarneqarneranut atatillugu aalisariutit amerlassusiisa pissusiviusunut siunissamilu pisassatigut periarfissarisassatut naatsorsuutigisanut naleqqussarneqarnissaat.</p>	<p>1. § 1, imm. 1, imatut oqaasertalerneqassaaq: ”§ 1. Inatsisartut inatsisaanni siunertaavoq aalisarnermik inuussutissarsiutip siuarsaaviginissaanut tapiissuteqartarnissaq, tassunga ilanngullugit ingerlatserusuttunut nutaanut piuminarnerusumik periarfissiisoqarnissaa kiisalu aalisariutit nutarteriffigineqarnissaannut tapersiisarnissaq.”</p>
<p>§ 14. Naalakkersuisut sinerissap qanittuani aalisarnermi aalisariutinik isaterinermut tapiissuteqarsinnaapput, siunertamut tamatumunnga ukiumut aningaasanut inatsimmit tamakkiisumik immikkoortitaninngarnit aningaasaliissutiginneqarsimasunit.</p> <p><i>Imm. 2.</i> Tapiissuteqartoqarsinnaavoq, angallat 1) Aalisariutinik nalunaarsuiffimmi nalunaarsorsimappat imaluunniit Angallatinik nalunaarsuiffimmiippat aammalu Aalisarnermut, Piniarnermut Nunalerinermullu Aqutsisoqarfiup angallatinut aalisarnermik inuussutissarsiornermut</p>	<p>2. § 14 imatut oqaasertalerneqassaaq: ”§ 14. Naalakkersuisut sinerissap qanittuani aalisarnermi aalisariutinik isaterinermut tapiissuteqarsinnaapput, siunertamut tamatumunnga ukiumi aningaasanut inatsisikkut tamakkiisumik aningaasaliissutaasutut killiliussami immikkoortinneqarsimasunit.</p> <p><i>Imm. 2.</i> Tapiissuteqartoqarsinnaavoq angallammut tunngasut uku atuuppata: 1) Aalisariutinik Nalunaarsuiffimmi nalunaarsorsimappat imaluunniit Angallatinik Nalunaarsuiffimmiippat aammalu Aalisarnermut, Piniar-</p>

<p>akuersissutilinnut nalunaarsuiffianni nalunaarsorsimappat,</p> <ol style="list-style-type: none"> 2) angallatip allagartaa malillugu angissusaa 5 BRT/ 8 BT ataassimappagu taamaattorli 75 BRT/120 BT ataallugu angissuseqarpat 3) ukiunik 25-nik pisoqaassuseqarpat nutaanginnerulluniluunniit, 4) ukiut marluk kingulliit aalisarsinnaanermik pisassiissutit minnerpaamik affaannik aalisarsimappat, aamma 5) qinnuteqaateqarnerup tunniunneqarnerani ingerlatsinermut piareersimappat. <p><i>Imm. 3.</i> Qaqugukkulluunniit qinnuteqaat tunniunneqarsimagaluarpat imaluunniit isaterinissamut tapiiffigineqarsinnaanermut piumasaqaatit qinnuteqaateqartunit arlalinnit tamarmiusunilluunniit eqquutitinneqarsimagaluarpataluunniit, § 17, imm. 1-imi ataatsimiititaliap taaneqartup qinnuteqaateqartut salliutinneqarnissaanut erseqqissumik naliliinerit aallaavigalugit aningaasat tapiissutaasinnaasut pissusissami-soortuunersullu naliliiffigissavai.</p> <p><i>Imm. 4.</i> Imm. 3-mi salliutitsinissaq taaneqartuq tunngaviusut ukua aallaavigalugit ingerlanneqassaaq:</p> <ol style="list-style-type: none"> 1) angallatip pisoqaassusia usisinnaassusialu, 2) sionatigut aalisarsinnaanermut akuersissummi tunniunneqartumi pisarineqartut, 3) nunap immikkoortuisa ilaanni angallatit amerlassusia akuersissutaalluunniit, imaluunniit 4) aalisakkat suussusiinut agguataakkamik aalisarnermi ingerlatsisimanerit. 	<p>nermut Nunalerinermullu Naalackersuisoqarfiup angallatinut aalisarnermik inuussutissarsionermut akuersissutillit nalunaarsuiffianni nalunaarsorsimappat,</p> <ol style="list-style-type: none"> 2) angallatip allagartaa malillugu angissusaa 5 BRT/ 8 BT qaangersimappagu taamaattorli 75 BRT/120 BT ataallugu angissuseqarpat, 3) ukiunik 25-nik pisoqaassuseqarpat pisoqaanerulluniluunniit, 4) ukiut marluk kingulliit nunatsinni aalisarnermi aalisqaataasarsimappat. 5) piffissaq qinnuteqaateqarfiusoq sioqqullugu ukiuni marlunni qaammatisiuteqarluni ukiuni pisassiissutinit pigisanit nuussisoqarsimanngippat. Tamanna atuupportaaq, pisassiissutinit pigisat tamakkerlugit ilaannaannilluunniit nuussisoqarsimappat. <p><i>Imm. 3.</i> Angallammut pisortat taarsigassarsisitsisimassagaluarpata tapiissuteqarsimassagaluarpataluunniit, imm. 1 naapertorlugu tapiissutit aatsaat pisortat taarsigassarsisitsisimanerisa tapiissuteqarsimanerisalu kingorna ukiut qulit qaangiuppata tunniunneqarsinnaapput.</p> <p><i>Imm. 4.</i> Qaqugukkulluunniit qinnuteqaat tunniunneqarsimagaluarpat imaluunniit isaterinissamut tapiiffigineqarsinnaanermut piumasaqaatit qinnuteqaateqartunit arlalinnit tamarmiusunilluunniit eqquutitinneqarsimagaluarpataluunniit, § 17, imm. 1-imi ataatsimiititaliap taaneqartup qinnuteqaateqartut salliutinneqarnissaanut erseqqissumik naliliinerit aallaavigalugit aningaasat tapiissutaasinnaasut pissusissami-soortuunersullu naliliiffigissavai.</p> <p><i>Imm. 5.</i> Imm. 4-mi pingaarnersiuneq piumasaqaatit tulluuttuni taaneqartut tunngavigalugit pissassaaq:</p> <ol style="list-style-type: none"> 1) angallatip pisoqaassusaa usigisinnaasaalu, 2) angallatip pisarisimasai, 3) nunap immikkoortuata ilaani angallatit akuersissutilluunniit qassiuneri, aammalu
---	--

<p>§ 15. Tapiissutit angissusissaat Naalackersuisut tunngavissatut aalajangersagaat aallaavigalugit angallatillu angissusaat BRT imaluunniit BT aallaavigalugit naatsorsorneqassapput. Angallat ukiunit 25-nit pisoqaaneruppat tapiissutigineqartartut angallatip pisoqaliartornera malillugu ukiumut 5%-imik appartinneqartassapput.</p> <p><i>Imm. 2.</i> Isaterinissamut tapiissutit amerlanerpaamik sillimmasiissutit nalingisa 100 %-atut annertussuseqarsinnaapput, atortut ilanngunnaq.</p> <p><i>Imm. 3.</i> Angallat sillimmasernejarsimangippat taava angallat naliliisartumit arlaannaannulluunniit attuumassuteqanngitsumit nalilersortineqarsinnaavoq, Aalisarnermut, Piniarnermut Nunalerinermullu Naalackersuisoqarfimmit toqqarneqartumit. Taamatut nalilersuisitsinermut aningaasartuutit qinnuteqartumit akilerneqassapput.</p> <p><i>Imm. 4.</i> Angallammik isaterinissamut qinnuteqarnissaq ukiumik ataatsimik sioqqullugu angallatip motorilluunniit ajoqusersimanera pissutigalugu sillimmasiisarfimmiit akiliutigineqartut, angallammik iluarsaassinermut sillimmasiisarfium akiliutai atorneqarsimangippata tapiissuteqarnermi taakkua ilanngaatigitinneqassapput. Aammattaaq sillimmasiissutit qinnuteqarnerup kingorna ajutoorneq pissutigalugu sulili tapiissutit tunniunneqanngitsut akiliutigineqartut, ilanngaatigitinneqassapput.</p>	<p>4) qinnuteqartup angallammik piginnittuunerata sivisussusaa.”</p> <p>3. § 15 imatut oqaasertalerneqassaaq: ”§ 15. Tapiissutit angissusissaat Naalackersuisut tunngavissatut aalajangersagaat aallaavigalugit angallatillu angissusaat BRT imaluunniit BT aallaavigalugit naatsorsorneqassapput. Angallat ukiunit 25-nit pisoqaaneruppat tapiissutigineqartartut angallatip pisoqaliartornera malillugu ukiumut 5%-imik appartinneqartassapput, taamaattorli annerpaamik 50 %-imik.</p> <p><i>Imm. 2.</i> Isaterinissamut tapiissutit amerlanerpaamik angallatip nalingata 100 %-ianik annertussuseqarsinnaapput.</p> <p><i>Imm. 3.</i> Angallatip nalinga nalilersuisartumit arlaannaannulluunniit attuumassuteqanngitsumit Aalisarnermut, Piniarnermut Nunalerinermullu Naalackersuisoqarfimmit toqqarneqartumit aalajangersarneqassaaq. Nalilersuisitsinermi aningaasartuutit qinnuteqartup akilissavai.</p> <p><i>Imm. 4.</i> Angallammik isaterinissamut qinnuteqarnissaq ukiumik ataatsimik sioqqullugu angallatip motorilluunniit ajoqusersimanera pissutigalugu sillimmasiisarfimmiit akiliutigineqartut, angallammik iluarsaassinermut sillimmasiisarfium akiliutai atorneqarsimangippata tapiissuteqarnermi taakkua ilanngaatigitinneqassapput. Aammattaaq sillimmasiissutit qinnuteqarnerup kingorna ajutoorneq pissutigalugu sulili tapiissutit tunniunneqanngitsut akiliutigineqartut, ilanngaatigitinneqassapput.”</p>
<p>§ 16. Tapiissutit tunniunneqaraangata angallat piviusumik isaterneqartassaaq.</p> <p><i>Imm. 2.</i> Isaterinissamut tapiissutinik tunniussisoqartillugu aalisarsinnaanermut akuersissut aamma inuussutissarsiutigalugu aalisarnissamut akuersissutit tamarmik atorunnaartassapput. Angallatip aalisariutinik nalunaarsuiffimmit umiarsuarnut nalunaarsuiffimmiittumit ima-</p>	<p>4. § 16 imatut oqaasertalerneqassaaq: ”§ 16. Isaterinissamut tapiissutit tunniunneqartinnagit angallat piviusumik isatereerneqarsimassaaq.</p> <p><i>Imm. 2.</i> Isaterineq isaterivissatut Aalisarnermut, Piniarnermut Nunalerinermullu Naalackersuisoqarfimmit akuerisaasumit ingerlanneqassaaq.</p>

<p>luunniit Angallatinik nalunaarsuifimmi aammalu Aalisarnermut, Piniarnermut Nunalerinermullu Aqutsisoqarfiup angallatinut aalisarnermik inuussutissarsiornermut akuersissutilinnut nalunaarsuiffiani nalunaarsorsimanera peerneqasaaq.</p> <p><i>Imm. 3.</i> § 16 imm. 2, naggat 1 atuutissanngilaq aalisartut marluk amerlanerusulluunniit angallataatiminnik isaterinissaminnut tapiissutinik kattullutik qinnuteqarsimappata, peqatigitillugulu kattussillutik ataatsimik angallatitaarnissaminnut tapiiffigineqarnissaminnut qinnuteqateqarsimappata.</p> <p><i>Imm. 4.</i> Imm. 3 naapertorlugu isaterinissamut tapiissutit taamaallaat piviusumik isaterinissamut tapiissutigineqassaput.</p>	<p><i>Imm. 3.</i> Tapiissutit tunniunneqartinnagit angallatip aalisariutinik nalunaarsuiffimmit umiarsuarnut nalunaarsuiffimmiittumit imaluunniit Angallatinik nalunaarsuiffimmi aammalu Aalisarnermut, Piniarnermut Nunalerinermullu Naalakkersuisoqarfiup angallatinut aalisarnermik inuussutissarsiornermut akuersissutilinnut nalunaarsuiffiani nalunaarsorsimanera peerneqasaaq.</p> <p><i>Imm. 4.</i> Isaterinissamut pisassiissutinit pigisartunut tapiissutisisunut tapiissutinik aningaasaliissuteqarnermi piumasaqaataavoq, piffissami aningaasaliissuteqarfiusup kingorna ukiuni tallimani pisassiissutinit pigisanit tamakkerlugit taassumaluunniit ilaannaanit nuussisoqassanngitsoq. Piffissap pineqartup iluani tapiissutisisup pisassiissutinit pigisani tuniniarsimagunigit, inatsimmi § 12 imm. 1 nr. 4 naapertorlugu tapiissutit Naalakkersuisunit uterteqquneqarsinnaapput."</p>
	<p style="text-align: center;">§ 2</p> <p>Inatsisartut inatsisaat 1. januar 2016 atuutisaaq.</p>

3. Aningaasaqarnikkut ingerlatsinikkullu pisortanut kingunerisassai

Siunnersuut atugassiissutaareersut saniatigut allaffissornikkut aningaasaqarnikkulluunniit pisortanut kinguneqartussatut ilimagineqanngilaq. Aningaasanut inatsimmi allannguisoqartariaqarneranik siunnersuut malitseqassanngilaq.

Naatsorsuutigineqarmat siunnersuutip kingunerisaanit pisortat tapiissuteqartarnerat annertusippat aalisarnermik inuussutissarsiummi unammilleqatigiinneq annertunerulersinnaavoq. Unammilleqatigiinnerup kingunerisinnaavaa aalisakkat ilaannut tunngatillugu pisassiissutit ilungersornartooreersut pillugit naalakkersuinikkut annertunerusumik tatisimannineq.

4. Inuussutissarsiortunut aningaasaqarnikkut allaffissornikkullu kinguneri

Siunnersuutip inuussutissarsiortunut aningaasatigut iluaqutissartaqarnissaa ilimagineqarpoq isaterinerup kingorna qinnuteqartut aalisarnermut akuersissutit piginnarsinnaammatigik. Aningaasatigut iluaqutissartaata qanoq annertutiginnissaanut piginnittup angallammut sumut akuersissuteqarnera

apeqqutaassaaq. Taamaattumik aningaasatigut qanoq annertutigisumik iluaqutissarsiviusinnaanera oqaatigiuminaappoq.

Tamatuma saniatigut naatsorsuutigineqarpoq, pisortat tapiissuteqartarnerat annertusippat, siunnersuutip kingunerisaanit, aalisarnermik inuussutissarsiummi unammilleqatigiinneq annertunerulersinnaasoq. Aammattaaq siunnersuut aalisakkanik ataasiakkaanik tatisimanninnermik ajornerulersitsinnaavoq, isaterinissamut tapiissutit aalisariutip nutaap pitsaaneruseqarpoq piginnaasallip aningaasalersornissaanut tapiissutaannartut atorneqalersinnaammata.

5. Avatangiisinut, pinngortitamut inuillu peqqissusaannut kinguneri

Siunnersuut avatangiisinut, pinngortitamut innuttaasullu peqqissusaannut kinguneqartussatut ilimaqanngilaq.

6. Innuttaasunut kinguneri

Siunnersuutip aningaasatigut allaffissornikkullu inuussutissarsiortunut aningaasatigut kingunerisasaatut taaneqareersut saniatigut innuttaasunut allanut kinguneqarnissaa ilimaqanngilaq.

7. Kinguneri allat pingaaruteqartut

Siunnersuut pingaarutilinnik allanik kinguneqassasoq naatsorsuutigineqanngilaq

8. Oqartussaasunik aamma kattuffinnik il.il. tusarniaaneq.

Siunnersuummi § 1, nr. 2-mi aamma nr. 4-imi ilanngussat siunnersuutikkut tusarniaanerp nalaani takuneqarsinnaasimangillat. Taamaattumik siunnersuut aappasaaneerluni tusarniaassutigineqarpoq. Tusarniaanernut akissutit siullermik aamma aappasaaneerluni tusarniaanermut immikkoortinneqarsimapput.

Tusarniaaneq siulleq: 11. juli – 11. august 2014:

Siunnersuut makkununga tusarniutigittinneqarpoq KANUKOKA, SIK, Kalaallit Nunaanni Sulisitsit Peqatigiiffiat/GA, NUSUKA, KNAPK, Naalakkersuisut Siulittaasuata Naalakkersuisoqarfia, Inuussutissarsiornermut, Aatsitassanut Suliffeqarnermullu Naalakkersuisoqarfik, Peqqissutsimut Attaveqatigiinnermullu Naalakkersuisoqarfik, Aningaasaqarnermut Nunamullu Namminermut Pisutsinut Naalakkersuisoqarfik, Ilaqutariinnermut Inatsisinillu Atuutsitsinermut Naalakkersuisoqarfik, Ilinniartitaanermut, Ilageeqarnermut, Kulturimut Naligiissitaanermullu Naalakkersuisoqarfik, Avatangiisinut Pinngortitamut Ineqarnermullu Naalakkersuisoqarfik.

Tusarniaaneq aallaqqaammut 11. juli-18. august 2014-imut killilerneqarsimagaluarpoq, kingornali sivikillisinneqarluni 11. juli-11. august 2014-imut. Tusarniaanermi piffissarititaq sivikillisinneqarpoq Inatsisartunut tunniussinissamut piffissaliusseq eqqarsaatigalugu. Piffissami tassani siunnersuut Namminersorlutik Oqartussat tusarniaanermut nittartagaanni tamanut ammasumik tusarniaassutigineqarsimavoq.

Tusarniaanermi akissuteqaatinik pissarsisoqarsimavoq ukunannga Ilaqutariinnermut Inatsisinillu Atuutsitsinermit Naalakkersuisoqarfik, KANUKOKA, Pinngortitamut Avatangiisinullu Naalakkersuisoqarfik, NUSUKA, SIK, Kalaallit Nunaanni Sulisitsisut Peqatigiiffiat/GA, Kalaallit Nunaanni Aalisarsinnaanermut Akuersissutitik Nakkutilliisoqarfik, Peqqissutsimut Attaveqarnermullu Naalakkersuisoqarfik, Qeqqata Kommunia, Kommuneqarfik Sermersooq aamma KNAPK.

Tusarniaanerup ingerlanerani akissuteqaatit tulliuuttuni suliarineqarput. Oqaatigineqassaaq tusarniaanermi akissuteqaatit uingasunngorlugit ilanngunneqartut pingaarnersiuisimaneq tunngavigalugu pingaarnersiorlugit ilanngunneqarmata:

Ilaqutariinnermut Inatsisinillu Atuutsitsinermit Naalakkersuisoqarfiup nalunaarutigaa allannguutissatut siunnersuummut oqaaseqaatissaqaratik, imarisaami Naalakkersuisoqarfiup oqartussaaffigisaasa avataaniimmat.

KANUKOKA-p nalunaarutigini kuuaa siunnersuut "aalisariutinik isaterisitsisarnermi tapiissutinik pissarsinissamut piunasaqaatinik naleqqussaasinnaanermut ajornannginnerulersitsinissamullu siunertaqarmat", siunnersuut KANUKOKA-mit tusaatissatut tiguneqartoq.

Pinngortitamut Avatangiisinullu Naalakkersuisoqarfiup nalunaarutigini kuuaa allannguutissatut siunnersuummut nassiunneqarsimasumut oqaaseqaatissaqaratik.

KNAPK-mit siunnersuummi ajornannginnerulersitsinerit nuannaarutigineqarput. Inassutigaa § 14, imm. 3 imatut allanngortinneqassasoq pisortanit taarsigassarsimalluni imaluunniit angallammut tapiiffigitissimalluni isaterinissamut tapiissutit tunniunneqarsinnaassasut ukiut tallimat qaangiunnerini siunnersuummisuut ukiut qulit qaangiutereerneriniunngitsoq.

Inassuteqaat siunnersuummut ilaatinneqanngilaq. Tamatumunnga tunuliaqutaasoq unaavoq, aalajangersagaq inatsimmi § 2 aamma § 10 sanilliullugu atuarneqassammat, taakkunanimi aallaavigineqarmat angallatinut ukiuni minnerpaamik qulini piunnaasutut naatsorsuutigineqartunut taamaallaat taarsigassarsisitsisoqarlunilu tapiissutisitsisoqartarmat. Ukiunik tallimanik piffissaliineq paragrafinut taakkununnga marluusunut aallaavittut naapertuutinngilaq.

GA-p tusarniaanermi akissuteqaatimini oqaatigaa Aalisarneq pillugu Ataatsimiititaliarsuaq isumaqatigigitsik aallaavigalugu aalisarnermik inuussutissarsiornermi aaqqissuussaaniikkut naleqqussaasoqartariaqartoq. Oqaatigaat siunnersuut killormut ingerlasoq taamaasillutillu siunnersuummut sakkortuumik akerliullutik. Pingaartumik pingaartinnerarpaat isumaqaramik siunnersuutikkut naatsorsuutigamikku Avannaani qaleraleqassutsip annertunerusumik tatineqarnerulernerata kingunerissagaa, taamaasillunilu piujuartitsineq sanngiillisinneqassalluni. Isumaqarput tamatuma kingunerissagaa taamatut aalisarnerup uppersaasarsorneqartalernissaanik inuussutissarsiutip ilungersorluni suliniarnera ajoquserneqassasoq. Ilanngullugu isumaqarput siunnersuut toqqaan-

nartumik siunnersuummut allamut saqqummiunneqarsimasumut akerliusoq, aalisarneq pillugu inatsisip allanngortinneqarnera pillugu siunnersuummut. GA-p ujartorjaa aalisarneq pillugu inatsimmik ataqatigiissumik suliaqartoqarnissaa aalisarneq pillugu patajaatsumik uppernarsaatitalimmik. Siunnersuummi annikinnerusumik iluarsiinernut erseqqissaanernullu allanut oqaaseqaatisaqaanngillat.

SIK-mit GA-p tusarniaanermi akissuteqaataa tapersorsorneqarpoq.

Siunnersuut saqqummiunneqarpoq pissutigalugu naalakkersuinikkut kissaatigineqarsimammat, aalisartut aalisarsinnaanermut akuersissutitik pigiinnarsinnaassagaat aalisariutitik isaterneqaraangata. Taamatut kissaateqarnermut tunuliaqutaasoq unaavoq aalisartorpassuit kissaatigisannammikku angallatimik isaterneqarnissaat ilisimagamikku tapiissutinik akilerneqaraangamik piumasaqaatigineqartarmat aalisarsinnaanermut akuersissutit aamma pisassiissutit atorunnaarsinneqarnissaat.

Peqqissutsimut Attaveqarnermullu Naalakkersuisoqarfiup oqaatigaa siunnersuummi ajornannginnerulersitsinerit pingaarnerusutigut naammagisimaarlugit. Uparuarluguli siunnersuummi ajornartorsiorfiusinnaasoq tassalu siunnersuut angallatinut, kalaallit aalisarnerini ukiuni qaangiuttuni marlunni inuussutissarsiornermik ingerlatsisuusimasunut killilerneqarsimammat. Akuusup erseqqissaatigaa umiarsualivinni angallatinik allanik uninngasoqarmat, qimanneqarsimasunik, akilii-sinnaajunnaarnermik eqqorneqarsimasunik imaluunniit isateriaannartut pissusilinnik.

Angallatinut aalisarnermik inuussutissarsiutinik ukiut marluk kingulliit nunatsinni aalisaqataasarsimaneranut killiliineq tunuliaqutaqarpoq angallataatit, qanittumi aalisarnermik suliaqarsimannigitsut, kiisalu angallatit aalisarnermik suliaqarsimannigisaannartut Aalisarnermut, Piniarnermut Nunaleri-nermullu Naalakkersuisoqarfiup oqartussaaffiisa ataaniinngimmata. Aammattaaq apeqqut angallatinut taakkununga tunngasoq aningaasanut inatsimmi aalisarnermut aningaasaliissutissanut tunngasunik kontop ataaniinngillat. Siunnersuummili isiginiarneqarpoq angallatit umiarsualivimmi qi-maannarneqarnissaat pitsaaliorneqarluni, piginnittup isaterileruni akuersissutiminik pisassaminilluunniit arsaagaannginnissani kissaatigigamiuk.

Qeqqata Kommuniata oqaaseqarfigaa siunnersuutikkut naatsorsuutigineqartariaqartoq angallatinik piginnittut tunuarsimaartassanninnerannik angallatiminnik atorunnaarnikunik isaterisitsisarnissamut, soorluttaaq angallatit atorunnaarnikut illoqarfimmi sumi tamaani takussaajunnaassaga-luurtut. Ilanngullugu oqaatigaat attuumassuteqaanngitsumik nalilersuisartumit nalogannik aalajangersaasarnissaq tunngaviussasoq pitsaasoq.

Kommuneqarfik Sermersuup nalunaarutigaa sinerissamut qanittumi aalisarnermi aqqissuussaanikkut naleqqussaasoqarnissaanik pisariaqartitsinermi isiginninneq tapersorsorini, tamannalu aalisagaqassutsimut, aalisartunut aamma aningaasatigut iluanaaruteqartarnermut iluaqutaassasoq. Kommunip neriuutigaa inatsisip allanngortinneqarnera aningaasatigut iluaqutaajumaartoq

pisariaqartinneqartumillu sinerissamut qanittumi aalisariutini naammassisaqarsinnaassutsikkut naleqqussaannermik pilersitsissalluni. Siunnersuutigineqarpoq aalisarneq pillugu inatsisiliornermi sunniivigeqatigiittarnikkut sunniutit isiginiarneqassasut, taakkua periarfissiisut inuussutissarsiutigalugu aalisartumik ataatsimik inuttut nalilersorneqarsinnaanermut, taamaalilluni inuit inuussutissarsiornernit allaneersut inuussutissarsiutigalugu aalisarnermi peqataanissaat pinngitsoortinneqarsinnaavoq. Ilanngullugu oqaatigaa aalisarsinnaanermut akuersissutinik aamma pisassiissutinik piginniinnarsinnaanerup ajornakusoornersissinnaagaa aalisarnermi aalisarpallaarnerup iluarsineqarsinnaanera. Kommuniq neriuutigaa periarfissap qulakkeerumaaraa sinerissamut qanittumi aalisariutitigut nutarterinissaq, naak siunnersuutikkut matumuuna imaasiallaannarluni Tunumi ajornartorsiutaasunut ikiorsiisinaanavianngitsoq. Pitsaasutut isigaa, angallatit piviusumik nalivimminnut nalilersuiffigineqartarnissaat, kiisalu siunissami piumasaaqaataassasoq isaterinerup ingerlanneqartarnissaa isaterivimmi akuerineqarsimasumi.

Eqqunngilaq siunnersuut sinerissap qanittuani aalisariutinik naleqqussaasoqarnissaanik kinguneqarnissaa. Inatsit atuuttoq naapertorlugu isaterinissamut tapiissutit siunertaasa ilagaat tapiissutit sinerissap qanittuani aalisariutinik naleqqussaasissamut atorneqarnissaat. Siunertaq taanna siunnersuummi atorunnaassaaq, siunissami tapiissutinik tunniussinermi akuersissutit pisassallu pigiinnarneqalissammata.

Tunumi aalisarnermut tunngatillugu ajornartorsiutit allaanerupput, tassani attaveqarnermut silallu pissusaanut unammilligassanut tunngallutik. Ajornartorsiutit taakkua isaterinermut malittarisassat allanngartinnerisigut aaqqinneqarsinnaanngillat.

Tusarniaanermi akissuteqaatit taamaalillutik siunnersuummi allannguutissanut tunngavissiiingillat.

Tusarniaanerup tullia: 6. februar – 13. marts 2015:

Siunnersuut makkununga tusarniutigitinneqarpoq KANUKOKA, SIK, Kalaallit Nunaanni Sulisitsisut Peqatigiiffiat/GA, NUSUKA, KNAPK, Naalakkersuisut Siulittaasuata Naalakkersuisoqarfia, Peqqissutsimut Naalakkersuisoqarfik, Ineqarnermut, Sanaartornermut Attaveqatigiinnermullu Naalakkersuisoqarfik, Aningaasaqarnermut Naalakkersuisoqarfik, Aatsitassaqaarnermut Naalakkersuisoqarfik, Inuussutissarsiornermut, Suliffeqaarnermut Niuernermullu Naalakkersuisoqarfik, Nunanut allanut Pisortaqaarfik, Pinngortitamut, Avatangiisinut Inatsisinillu Atuutsitsinermut Naalakkersuisoqarfik, Ilinniartitaanermut, Kulturimut, Ilisimatusarnermut Ilageeqarnermullu Naalakkersuisoqarfik, Royal Greenland aamma Polar Seafood. Tamatuma kingorna qinnuiginnittoqarneratigut siunnersuut aamma SQAPK-mut nassiunneqarpoq.

Piffissaq tusarniaaffiusuusooq 6. februar-13. marts 2015 Piffissami tassani siunnersuut Namminersorlutik Oqartussat tusarniaanermut nittartagaanni tamanut ammasumik tusarniaassutigineqarsimavoq.

Tusarniaanermi akissuteqaatinik pissarsisoqarsimavoq ukunannga Inuussutissarsiornermut, Suliffeqarnermut Niuernermullu Naalakkersuisoqarfik, Aatsitassaqaarnermut Naalakkersuisoqarfik, Pinngortitamut, Avatangiisinut Inatsisinillu Atuutsitsinermut Naalakkersuisoqarfik, Peqqissutsimut Naalakkersuisoqarfik, Kalaallit Nunaanni Sulisitsisut Peqatigiiffiat/GA, Aningaasaqaarnermut Naalakkersuisoqarfik aamma Kommuneqarfik Sermersooq.

Tusarniaanerup ingerlanerani akissuteqaatit tulliuuttuni suliarineqarput. Oqaatigineqassaaq tusarniaanermi akissuteqaatit uingasunnorlugit ilanngunneqartut pingaarnersiusimaneq tunngavigalugu pingaarnersiorlugit ilanngunneqarmata:

Inuussutissarsiornermut, Suliffeqarnermut Niuernermullu Naalakkersuisoqarfik, Aatsitassaqaarnermut Naalakkersuisoqarfik aamma Peqqissutsimut Naalakkersuisoqarfik siunnersuummut oqaaseqaatissaqanngilaq.

Pinngortitamut, Avatangiisinut Inatsisinillu Atuutsitsinermut Naalakkersuisoqarfiup ”siunnersuutigaa, inatsisissatut siunnersuummi ilanngussisoqassasoq, aalisarnermut aningaasaliissutissanit atunngitsuugaqartillugu periarfissaqarpoq, taakkua aalisariutit inuussutissarsiutigalugu aalisarnissamut akuersissutaarussimasut isaternissaannut tapiissuteqartoqarnissaanut.” Periarfissap taassuma atuutilersinneratigut Pinngortitamut, Avatangiisinut Inatsisinillu Atuutsitsinermut Naalakkersuisoqarfik isumaqarpoq, aalisariutit pisoqalisimasut kangerlunnut nunatanullu avatangiisinut ajoqutaalerlutik qimaannarneqartartut ikiliartulerumaartut.

Qulaani allaaserineqartut malillugit, angallatinut aalisarnermik inuussutissarsiutinik ukiut marluk kingulliit aalisqaataasarsimaneranut killiliineq tunuliaquteqarpoq, angallataatit qanittumi aalisarnermik suliaqarsimannigitsut Aalisarnermut, Piniarnermut Nunalerinermullu Naalakkersuisoqarfiup oqartussaaffiisa ataaniinngimmata. Siunnersuummili isiginiarneqarpoq angallatit umiarsualivimmi qimaannarneqarnissaasa pitsaaliorneqarnissaat, tassami piginnittup isaterileruni akuersissutiminik pisassaminilluunniit arsaagaannginnissani kissaatigisarmagu.

Inatsisip nutarterneqarnera Kommuneqarfik Sermersuup tapersersorjaa, naliliillunili aalisariutit piginnaasaatigut naleqqussaanermut tunngasumik inatsisip allanngortinneqarnera eqqarsaatigeqqittariaqartoq. Maannakkut inatsisissatut siunnersuutikkut angallammik piginnittumut, isaterneqarnissaanik kissaateqartumut periarfissaalissaaq akuersissutaasinnaasut pigiinnarsinnaanerat. Tamatuma kingunerisinnaasai erseqqinnerusumik misissorneqartariaqarput, tassa aaqqissugaanikkut naleqqussaanissaq kissaatigineqartoq atorunnaarsinneqartutut isikkoqarmat. Aalisartuni atasiakkaani isertitaqarneq siuarsarniarlugu, aamma siumut isigisumik aalisariutit piginnaasaat naleqqussarniarlugit ingerlatsivik isumaqarluni tassunga sammisumik inatsisitigut alloriartoqarnissaa pingaarpoq.

Tassunga oqaatigineqarpoq siusinnerusukkut inatsisip aqqissuussaanerup naleqqussarneqarnissaanut siunertaa atorunnaassasoq siunnersuut massakkutut iluseqartillugu akuerineqassappat. Siunertaq taanna siunnersuummi atorunnaassaaq, siunissami tapiissutinik tunniussinermi akuersissutit pisassallu pigiinnarneqalissammata.

GA-p oqaatigaa ukiuni kingullerni isaterinissamut tapiissutinik pissarsisinnaanermut piumasaqaatit ajornannginnerulersinneqarnerat namminneq tapersorsorlugu. "Aalisarneq pillugu ataatsimiititaliarsuup kaammattuutaanut isumaqataavugut, tassalu aalisarnermik inuussutissarsiorderup aqqissuussaana uumasoqassutsikkut aningaasatigullu piviusorsioortumik naleqqussarneqassasoq, taamaalilluta aalisarnermik inuussutissarsiuteqarnerup puijuartitsinissamik tunngaveqarluni ineriartortinnissaa qularnaarsinnaaniassagatsigu." Isumaqarpulli siunnersuut killormut ingerlasoq. Taamaasillutillu siunnersuummut sakkortuumik akerliupput, isumaqarlutillu siunnersuutip kingunerissagaa "aalisartut arlallit akornanni pisuussutit taakkorpiaat pillugit unammillertoqalernissaa." Tassunga ilanngullugu naatsorsuutigigamikku Avannaani qaleraleqassuseq annertunerusumik tatinneqarnerulissasoq, taamaasillunilu puijuartitsineq aamma sannguillisinneqassalluni, tamatumalu inuussutissarsiorderup taamatut aalisarnermik uppersaasarsuisalernissamik suliniutigineqarnermut akornutaalerluni." GA-p oqaatigaa, siunnersuut aamma aalisarnermut inatsisissatut siunnersuummut (UKA 2015/89) saqqummiunneqarnikuusumut toqqaannartumik akerliusoq, tassani pingaarnertut tunngaviutinneqarluni qalerallit aalisarneqarpallaannginnissaannik Naalakkarsuisut kissaateqarsimanerat. Tamanna tunngavigalugu aalisarnermi ataqatigiissumik politikikkut tunngaveqartumik GA ujartuivoq.

Siunnersuut saqqummiunneqarpoq pissutigalugu naalakkersuinikkut kissaatigineqarsimammat, aalisartut aalisarsinnaanermut akuersissutit pigiinnarsinnaassagaat. Taamatut kissaateqarnermut tunuliaqutaasoq unaavoq aalisartorpassuit kissaatigisannginnammikku angallatimik isaterneqarnissaat ilisimagamikku tapiissutinik akilernerqaraangamik piumasaqaatigineqartarmat aalisarsinnaanermut akuersissutit aamma pisassiissutit atorunnaarsinneqarnissaat.

Aningaasaqarnermut Naalakkarsuisoqarfik isumaqarpoq aalisarnermi isumalluutitigut tunngaviit piginnaasallu akornanni pitsaaneruseqarpoq oqimaaqatigiinneq pilersinniarlugu pisassiissutinut naleqqiullugu aalisariutit piginnaasatigut naleqqussarneqarnissaat inatsisip siunertaasa suli ilagissagaat tunngaviummik pingaaruteqartoq. Taamaattumik naalakkarsuisoqarfik isumaqarpoq, aalisariutitigut piginnaasanik isaterinermut tapiissuteqarnissamut pingaarluinnarpoq peqatigisaanik aalisarnissamut akuersissutit atorunnaarsinnissaa imaluunniit allatigut qulakkeerneqarluni inuussutissarsiummi piginnaasat tamarmiusut naleqqussarneqarlutik. "Taamaaliortoqanngippat aqqissuussinerup taamaallaat aalisarnermi inuit peqataanerat annertusiinnassavaa." Oqaatigivaat, aalisariummik nutaamik pisortat aningaasalersuisuariaqanngitsut, sinerissamulli qanittumi aalisarnermi aqqissugaanikkut naleqqussaaneq aamma aalisarnikkut suliareqqiinikkullu piginnaasatigut aningaasaliinerit aamma avataasiorluni aalisarnermi aningaasaliinerit suli namminersortunit aningaasalersorneqartariaqartut. "Pisortat peqataanerat annertusineqarpat pisortat aningaasaasi-

gut namminersortut aningaasaataat inangerneqassapput, ukiuni aggersuni annertusiartortumik isumalluut annikilluartussalluni, soorlu aamma pisortat tapiissuteqartarnerat aalisarnermik inuus-sutissarsiummi unammilleqatigiinnikkut ajornartorsiutaalissasoq". Isaterinermi tapiissutini siun-nerfigineqartut pillugit allaaserinnittumik immikkoortumik ujartuipput, allaaserisamut ilaasin-naapput angallatit qanoq ittut amerlassusiilu kiisalu angallatit sunik aalisassanersut. Taamatuttaaq isumaqarput, aningaasaqarnikkut allaffissornikkullu kingunissat pillugit immikkoortoq naammann-gitsumik allaaserineqarsimasoq, tassami isumaqarput, unammilleqatigiinnikkut tunngassuteqartut kingunissaalu siunnersuummi ilaasariaqartut. Tassunga ilanngullugu "isaterinermut tapiissutit angallammik nutaamik aningaasaliissutitut atorineqarpata tamatuma nunatta karsianut qanoq an-nertutigisumik akeqarnissaanik" annertussusiliisoqarnissaanik ujartuipput, kiisalu "angallatit ta-marmik isaterneqarnissamut tapiissutinut piumasaqaammik naammassinnittut angallatimik taar-serneqarnissaa toqqassappassuk," tamanna nunatta karsianut aningaasaqarnikkut qanoq kingune-qassanersoq paasiniarneqarluni.

Isaterinermi tapiissutini siunnerfigineqartut pillugit allaaserinnittoqarnissaa eqqarsaatigalugu, ta-manna 2009-imi inatsisip allannguutissaanut oqaaseqaatini atuarneqarsinnaareerpoq. Assiliaq taan-na annertunerusumik allannguuteqarnikuunngilaq, aamma tamanna tunngavigalugu itisilernerune-qanngilaq.

Tusarniaanermut akissut tunuliaqutaralugu ilassuteqartoqarpoq oqaaseqaatini nr. "3-mi. Pisortanut aningaasaqarnikkut allaffissornikkullu kingunissai" aamma nr. "4-mi. Aningaasaqarnikkut aqutsi-nikkullu inuusutissarsiutinik ingerlatsisunut kingunissai" erseqqissaatiginiallugu siunnersuut isu-malluutit uumassuseqartut pillugit unammilleqatigiinnermik annertunerulersitsissasoq.

Siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut

Aalajangersagaq ilaannakuusumik inatsisaareersumut assinguvoq. Taamaattorli atugassarititaasunut naleqqussaaniissamik siunertaq peerneqarluni, akuersissutit pisassallu atorunnaarsinnissaat atuuk-kunnaarmata.

Nr. 2-mut

Imm. 1-imut

Aalajangersagaq inatsisaareersumi § 14, imm. 1-imut assinguvoq.

Imm. 2-mut

Aalajangersagaq inatsisaareersumi aalajangersakkap assigiinnarpaa. Kisianni qinnuteqaatip tunni-unneqarnerani angallatip aallariaannaanissaanut piumasaqaatigineqartoq peerneqarluni. Aammatt-

taaƙ ukiut marluk kingulliit aalisarsinnaanermut akuersissutigineqartut ikinnerpaamik 50 %-iisa aalisarsimanissaannik piunasaqaat taamatulli peerneqarpoq, taarsiullugulu angallatip nunatsinni ukiut marluk kingulliit aalisqaataasimanissaanik piunasaqaatitalerlugu. Siunnersuummi pingaarnersiuisoqassatillugu angallatip qanoq pisaqarsimatigenerata aallaaviunissaa sulii attanneqarmat, takuuk siunnersuummi § 1, nr. 3, ilimagineqanngilaq tamanna annertunerusumik allannguuteqartitsinnaasoq.

Tamakku saniatigut nutaamik nr. 5-imik ilanngussisoqarsimavoq. Ilanngussineq pissuteqartinneqarpoq Naalakkersuisunit kissaatigineqanngimmat qinnuteqartut pisortanit tapiissutini amerlaneruninik pissarsinnaasassasut, piviusumik isaterisitsinermi aningaasartuutaasunit amerlanerpeqatigitillugulu namminneq pisassiissutinit pigisaminniit iluanaaruteqarluarlutik tunisisinnaasarnissaat. Ukiunik marlunnik piffissaliisimaneq aalajangersakkap piunasaqaataanut ataqatigiissillugu isigineqassaaq tassalu akuusoq ukiuni marlunni qaangiuttuni kalaallit nunaanni piviusumik aalisarnermut peqataasimanissaanik.

Imm. 3-mut

Aalajangersagaq taanna nutaajuvoq. Aalajangersakkamut tunuliaqutaavoq inatsimmi § 2 aamma § 10, tassani oqaaseqaatini aallaavigineqassasoq, inatsimmi angallatinut naatsorsuutigisamik ukiuni qulini piunnaassuseqartunut tapiissutisisoqartarpoq. Angallatinut taakkununga tapiissuteqartarnissaq aallaavimmut tamatumunnga naapertuutissanngilaq.

Imm. 4-mut.

Aalajangersagaq inatsimmut atuuttumi § 14, imm. 3-mut assingusuvoq.

Imm. 5-imut.

Aalajangersakkami nr. 2-mi oqaasertalersornera annikitsumik iluarsivigineqarsimavoq, allatigut allannguuteqartitsinissamik kinguneqanngitsumik.

Tamatuma saniatigut immikkoortoq nutaaq nr. 4-tut ikkunneqarpoq, pingaarnersiuiineq ataatsimut isigalugu qinnuteqartup angallammik qanoq sivisutigisumik piginnittuusimasusnaaneranik oqariartuutilik. Aallaaviusoq tassaavoq, ataannartumik siviisumik piginnittuusimagaanni tamatuma pingaarnersiuiinermi qularnaannerunissaa. Aalajangersakkamut tunuliaqutaasoq tassa ilaatigut pisoqartarsimammat qinnuteqartoqareenera kingooqquutilaarlugu qinnuteqartoq angallatitaartarsimammat, pisinermilu akiusoq isaterinissamut tapiissutisiarinnaasanut naleqqiullugu appasinnerujussuulluni. Taamaalillunilu qinnuteqartoq tapiissutini tunniussinerup pinerani pisortanit iluanaaruteqartarluni. Aningaasanik taamatut nuussisarnerit kissaatigineqanngillat, tassami assersuutigalugu manna kingunerisinnaammassuk tassalu angallatit pisoqqat isaterinissamut tapiissutini piniaannarluni Kalaallit Nunaannut eqqunneqartalernissaat.

Nr. 3-mut

Imm. 1-imut

Aalajangersagaq inatsisip atuuttup assigaa. Kisianni aalajangersakkap naggataani nutaamik uniffilerlugu. Tamatumanili allaffissornikkut periutsit malillugit tamanna pivoq, taamaalillunilu qinnuteqartunut ataasiakkaanut allannguinerik kinguneqartussaani. Aalajangersakkap kingunerisavaa annertunerpaamik 50 %-it ilanngaataasinnaaneri angallatip qanoq pisoqaatiginera naapertorlugu.

Imm. 2-mut

Inatsit atuuttoq naapertorlugu isaterinissamut tapiissutit annertunerpaamik angallatip sillimmasiisutaata nalinganik annertussilerneqarsinnaapput. Ataasiakkaatigulli assersuutissaqarpoq tassalu tunngaviatigut qinnuteqartoq sillimmasersimatinnagu kisiannili qinnuteqarnissani sioqqutitsiarlugu sillimmasersimappat angallatip nalivia qaangerujussuarlugu nalilimmik taamaalilluni qinnuteqartup siunertaanngitsumik aningaasatigut iluanaaruteqarfigisimasinnaasaanik. Tamatuma pinngitsoortineqarnissaa inatsisiliortumit kissaatigineqarsimavoq taamaattumillu inatsimmik allannguinerik angallatip nalivia tunngaviusumik aallaaviutinneqartalissalluni sillimmasiinerup nalinga pinnagu.

Aalajangersagaq § 15, imm. 1-imi naatsorsueriaatsimut ilusiliamut tapiliussatut naatsorsuussaavoq, qummut killissaleereermat. Peqatigitillugulu aamma aalajangersagaq sapinngisamik piaartumik isaterisoqartarnissaanut iluaqutaqaataassaaq, tassami angallatip pisoqaliartornera annaasaqaataasusaammatt.

Imm. 3-mut

Inatsit atuuttoq naapertorlugu akitigut naliliisarneq kisiat aallaaviutinneqarpoq sillimmasiinerumt nalilersuisoqarsimanngimmat. Tamanna siunnersuummi iluarsineqarpoq imm. 2-p allanngortinnera tunngavigalugu.

Imm. 4-mut

Aalajangersakkap § 15, imm. 4-mi atuuttup assigaa.

Nr. 4-mut

Imm. 1-imut

Aalajangersagaq inatsisip atuuttup assigaa. Oqaasertalersornerata tulleriinneri iluarsineqarput isaterineq aatsaat naammassineqaraangat aningaasanik tunniussisoqartarnissaa erseqqissarniarlugu. Tamatumunnga tunngaviuvoq misilittagarineqarmat isaterineq aallartikkaangat qinnuteqartut arlaqartut aningaasat tigorussartatigik. Tamannali ajornartorsiutaasassaaq pissutigalugu isaterineq naammassineqanngitsoorsinnaammatt taamaalillunilu isaterinerumt atatillugu avatangiisinik mingutsisisoqaraluarpat aningaasassarunnermik kinguneqarluni. Isaterineq aatsaat naammassippat tapiis-

sutiniq tunniussinikkut taamaalilluni piumasagaatigineqartumut matussusiisinnaanermit periarfissaq attatiinnarneqarsinnaavoq.

Imm. 2-mut

Isateriffissap Aalisarnermut, Piniarnermut Nunalerinermullu Naalakkersuisoqarfimmit akuerisaasi-manissaa piumasagaataavoq. Tamatumunnga tunuliaqutaavoq aningaasartuutit appasinnerutinniarlugit qinnuteqartut namminneq isaterinissaminnik kissaateqartarnerat naalakkersuisoqarfiup misilitagaqarfigimmagu. Isaterinerup tamakkuninnga suliaqartartunit ingerlanneqarnissaa siusinnerusuk-kut piumasagaataasarsimangimmat tamatuma kingunerisimavaa naalakkersuisoqarfiup tamatu-muuna piumasagaateqarsinnaasimanginnera. Aalisartup nammineerluni isaterinera avatangiisinik mingutsitsisoqarnissaanut qaninnerulersitsisarpoq.

Isateriviusoq assersuutigalugu tassaasinnaavoq amutsivik, tamannali piumasagaataangilaq.

Taamaattorli erseqqilluinnartumik piumasagaataalluni suliffeqarfiup atortussat pisariaqartinneqartut pigissagai aammalu isaterinermi sulinermit periusissat ilisimaaralugit igitassanillu passussinerup avatangiisinut isumannaatsumik pinissaa.

Imm.3.

Aalajangersagaq inatsimmi atuuttumi § 16, imm. 2-p assigiinnangajappaa. Kisianni aalisarsinnaa-nermit akuersissutit pisassiissutillu isaterinissamut tapiissutit tunniunneqarnerini atorunnaartarnis-saannik piumasagaat peerneqarpoq.

Imm.4.

Aalajangersagaq taanna nutaajuvoq. Tamanna pissuteqartinneqarpoq Naalakkersuisunit kis-saatigineqangimmat qinniuteqartut pisortanit tapiissutinik amerlanerusunik pissarsisinnaasassat, piviusumik isaterisitsinermi aningaasartuutaasunit amerlanernik, peqatigitillugulu namminneq pis-assiissutinit pigisaminniit iluanaaruteqarluarlutik tunisisinnaasarnissaat. Ukiunik tallimanik piffis-saliisimaneq uunga ataqatigiissillugu isiginiarneqassaaq tassalu inunnt pisassiissutinik pigisalinnut isaterinermi tapiissutinik tunniussinermi naatsorsuutigineqassammat taakku aalisarnertik ingerlati-innassagaat. Imatut pisoqarpat taakkua kissaatigalugu aalisarunnaarnissartik, pisassiissutinik pigisat nalingisa oqaatigaat taakku namminneerlutik nammineq akilikkaminnik isaterineq isumagitissin-naassagaat.